

der zeit bedencken/ was dir hierinnen zu thun sey. Ob schon wir Teutsche etwas
vnter vns vneins stünden / so kan doch solches leichter widerumb mit vnd durch
Teutsche vereiniger / als daß wir vns hierzu frembder feindlicher Nationen/ die
vns gern mit einander / heut eher als morgen / in das Kreg setzen wolten/ vnd
Spinnen feind sind/ gebrauchen solten. Soltest du auch noch vermeinen/ du wol-
test es nicht so weit wagen / oder mit ihnen dahin kommen lassen/ daß es zu einem
vnerhofften End wurde gelangen / so solt du wissen/ daß sie nicht solche Stock-
narren seyen / die sich von dir als einem Teutschen also wolten umbführen lassen/
daß sie nicht auch darbey ihr lang gesuchte Monarchie solten mächtiglichen fort-
setzen / sondern werden den gangen Handel so klüglich anstellen / daß sie vnver-
merckt deiner/ dich dahin bringen / du sehest gleich seht ihr Freund oder auch noch
ihr vermeinter Feind/ daß du ihnen ihr Liedlein/ als ein armer gefangener Vogel
wol singen/ vnd ihre böse beginnen vnd fürnehmen wider deinen willen/ als ein
selbst ergebener vnd ganz eingepferchter Slave hin vnd her verziehen must.
Dann sie euch Teutschen / die ihr also an eurem Vaterland seht treu! of wor-
den / nicht mehr trawen / vnd mit andern ihren mehr getrewen Lands Kindern
umbstrancken vnd bezwingen werden / daß ihr nicht ach oder wehe wider ihr bö-
ses fürnehmen werdet schreyen / viel weniger etlicherley ver hinderung oder abschaf-
fung desselbigen für die Hand nehmen können. Bedencke du lieber Lands vnd
Kriegsman / quod vnaquaque proditio hosti sit admodum grata & accepta.
proditor vero odiosissimus. Die verrähter ist dem Feind sehr lieb vnd ange-
nehm/ der Verrähter aber ganz vnd gar verhaßt.

Der Allmächtige getrewe **GOTT** wircke allerseits/
daß diese kurze trewe auffrichtige Warnung bey allen
stat vnd platz finde/ so wird auch der Teutsche/ Ehrliche/
Redliche / Mannhafte/ vnd liebhabende Vaterlands/
Kriegs vnd Bidermann seine alte mit hergebrachte Ehr/
Ruhm vnd Preiß / behalten/ unsere abgesagte außlän-
dische grausame Feinde durch **GOTTES** Allmächtigen
gnädigen Benstandt/ auß unserm geliebten Vaterlandt
vertrieben / Weib vnd Kinder / Land vnd Leuth / Ehr
vnd Gut/ vor vielem unzähligen Jammer/ Elend/ schad/
Hohn vnd Spott gefristet vnd bewahret werden. Darzu
vns

D

vns